

gustav / December 30, 2012 12:22AM

[不見生死，況復厭離！不見涅槃，何況樂著？ ...《文殊師利所說摩訶般若波羅蜜多經卷上》](#)

§

我樂正觀利益眾生。

§

不見生死，況復厭離！不見涅槃，何況樂著？

§

文殊師利言：我不見諸法有勝義相，如來自覺一切法空，是可證知。佛告文殊師利：如是！如是！如來正覺，自證空法。

§

佛言：文殊師利！汝得無礙智乎？

文殊師利言：我即無礙，云何以無礙而得無礙？

佛言：汝坐道場乎？

文殊師利言：一切如來不坐道場，我今云何獨坐道場？何以故？現見諸法住實際故。

§

舍利弗語文殊師利言：佛於法界，不證阿耨多羅三藐三菩提耶？

文殊師利言：不也。舍利弗！何以故？世尊即是法界，若以法界證法界者，即是諍論。舍利弗！法界之相，即是菩提。何以故？是法界中無眾生相，即是菩提。何以故？是法界中無眾生相，一切法空故。一切法空即是菩提，無二無分別故。

§

一切心相皆不思議。

-- 《文殊師利所說摩訶般若波羅蜜多經卷上》 梁 扶南國三藏 曼陀羅仙 譯 ([CBETA 全文](#))
